

15. Fundur Fræðslunefndar leikskólans Undralands haldinn 26. September 2012 kl. 15:00.

Fundarmenn: Halldóra Halldórsdóttir, Helgi Jóhannesson, Gunnar Þór Jóhannesson, Guðmann Unnsteinsson, Arnheiður S Þorvaldsdóttir

Auk nefndarmanna sat Jón Valgeirsson sveitarstjóri fundinn.

Formaður setti fund, bauð fundarmenn velkomna og gengið var til dagskrár.

1. Skýrsla leikskólastjóra.

☒ Hópastarfið fór allt af stað í september og var kröftug vinna í kringum réttirnar, sauðféð skoðað frá öllu hliðum og réttirnar endurskapaðar úr ýmiskonar gulli. Börnin á Heiðarkoti og Skógarkoti fara á hverjum degi í útikennslu og finnst okkur vel til takast og börnin áhugasöm um útikennsluna. Börnin á Móakoti fara í útikennslu tvisvar í vikur og eru alltaf að verða duglegri með hverri vikunni að ganga í allskyns torfærum og rannsaka okkar nánasta umhverfi.

☒ Börnin hafa verið öflug í ruslatíslu og halda Flúðahverfinu nokkuð góðu, þó mættu fleiri taka þau sér til fyrirmyndar og taka upp ruslið eftir sig.

☒ Aðalfundur foreldrafélagsins var haldinn í byrjun sept. og var á nýjum tíma eða kl. 15:30 og var mæting foreldra mun betri heldur en síðustu ár.

☒ Búið er að auglýsa 50% stöðu og Ragheiður Kjartansdóttir ráðin í starfið.

☒ 1.bekkur kom í september að taka upp kartöflurnar með okkur og var uppskeran ágæt öll börnin í leikskólanum og í 1.bekk fengu kartöflur í poka með heim og svo suðum við einn pott í leikskólanum og þær smakkaðar hér líka og þóttu hinar bestu kartöflur.

☒ Snillingar og 1.bekkur fóru svo í sína árlegur ferð í byggðasafnið í Gröf, þar vekur alltaf mestan áhugann Willis jeppinn og traktorarnir.

☒ Fjórar úr stjórnendateymi leikskólans fóru á námsstefnu um Frávik í málþroska“ síðasta föstudag. Vorum við allar sammála um hve gott og þarft þessi námstefna var og lærðum við margt gagnlegt varðandi eflingu málþroskans.

☐ Haustþing 8. deildar FL og FLS verður í október og eru margir spennandi fyrirlestrar í boði og munum við eiga fulltrúa á flestum fyrirlestrum.

2. Fyrirkomulag skólamála í Hrunamannahreppi.

Fræðslunefnd leggur til að Leikskólinn Undraland starfi sem sjálfstæð stofnun líkt og verið hefur. Gerðar verði þær breytingar á yfirstjórn skólans að staða aðstoðarleikskólastjóra verði lögð niður en í staðinn ráðinn deildarstjóri sem staðgengill leikskólastjóra. Samþykkt að fela sveitarstjóra að framkvæma þessar breytingar. Fræðslunefnd leggur til að starfandi aðstoðarleikskólastjóra verði boðin staða deildarstjóra/staðgengill leikskólastjóra tímabundið til eins árs.

3. Starfslok leikskólastjóra vegna veikinda.

Eydís Helgadóttir leikskólastjóri í veikindaleyfi hefur kosið að láta af störfum vegna veikinda í samkomulagi við sveitarfélagið. Fræðslunefnd leggur til að sveitarstjóra verði falið að ganga frá starfslokum við leikskólastjóra í samræmi við kjarasamning og önnur réttindi starfsmanns.

Ráðning leikskólastjóra.

Fræðslunefnd leggur til að sveitarstjóri og formaður fræðslunefndar auglýsi eftir leikskólastjóra, þegar gengið hefur verið gengið frá starfslokum við núverandi leikskólastjóra og í framhaldi af því udirbúi ráðningarferli.

Stefnt verði að því að nýr leikskólastjóri taki til starfa um næstu áramót.

4. Vistun 12 mánaða barna.

Fræðslunefnd samþykkir að heimila leikskólavistun barna 12 mánaða og eldri frá og með næstu áramótum.

Grein í Reglum um úthlutun leikskólaplássna verði breytt þannig að foreldrum sé heimilt að sækja um undanþágu til vistunar 12 mánaða barna í stað 16 mánaða eins og verið hefur.

5.

Erindi frá starfandi leikskólastjóra. Halldóra Halldórsdóttir sækir um 11 mánaða launalaust leyfi frá störfum sem aðstoðarleikskólastjóri/starfandi leikskólastjóri frá og með 1. febrúar 2013 til og með 31. desember 2013. Fræðslunefnd leggur til að leyfisbeiðnin verði samþykkt og sveitarstjóra falið að ganga frá samkomulagi við Halldóru varðandi réttindamál.

6.

Önnur mál.

Leikskólastjóri lagði fram til kynningar Ársskýrslu skólaárið 2011-2012 og Starfsáætlun leikskólans Undralands 2012-2013. Fræðslunefnd samþykkir að taka þessi gögn til afgreiðslu á næsta fundi.

Fyrirhugað málþing um aðalnámskrá 31. október. Fræslunefnd leggur til að starfsfólk Undralands sækir þetta málþing. Lokun leikskóla vegna þessa verði kynnt foreldrum tímanlega.

Fundi slitið kl. 16:20